

PIN-2 Nunavunmiittuq hiaani Dolphin and Union Strait. 150 kilometers-nik ungahiknilik hivuraani Kugluktup.

1992, Tuulaingugaluani Halummaqhiniirmut Pitquhikhat iniqtauhimayut Environmental Sciences Group-kunit (ESG) Royal Military College Kanatamit ihivriutauhimayut angiqtauplutiglu kavamatuqatkunit aviktuqhimayunilu avatiliriyinit. Pitquhikhani ilauyut halummarhiniq qayangnaqtuqaqtunik nunanik, uyhuuavalungnik, iqqakuurvingnik, immakunik, iqqakunik, tuqunnaqtulingniglu ayaaurutauyut halummarhiniirmut Tuulainngugaluani. 1998-mi, Avatiliriniirmut Iluliit Piqatigiikniarnirmut Angirutaani Anguyaktuliqiyit Nunavut Tunngaviuplu, ilauvuq tamna Tuulainngugaluani Halummarhiniirmut Pitquhik, atuliqtauhimayut ihuaqtumik utiqtitauyangini ukua nunait avatimut qayangnaiyarlugit qayangnaqtullu aulaqunngittugit Ukiuqaqtumi niqiriyaavaktunut.

Havarutauliqqut ihuaqharahuaqhugit taimani aulavaktuni Tuulainngugaluani. Kihimilluag, halummaqhiniq nutqaqtinahuarlugit iqqakuit qayangnaqtullu avatimit, ilautilugu qanilguq taryuq. Nappaqtiriliqqata, igluqpait atuqtaulimaqtut piiyaqtauniaqtut. Piiyaqtauyunit qayangnaqtulgit ahivaqtiqtauniaqtut ihuaqtumiglu iqqakuuqtaulutik. Qayangnaqtulgit nunat ilitturiyauyut kingullirmi nunamik ihviriuriniirmut algaktauniaqtut ihuaqtumiglu tahamani nunami qayangnaittuliqtuqhimayunik iqqakuurviliuqlutik hauyauniaqtut. Hiamihimayut nunap qaangani iqqakut hauhimayullu hagyiaqtut katitiqtauniaqtut iqqakuuqtaulutik. Qayangnaittunik iqqakuurviliurniaqtut qayangnaittuqanngittunik nunanik halummaqhiniunllu atuqtauyunik iqqakuurvikhamik. Tier II Iqqakuurvikhak hanayauniaqtuq iqqakuurvikhak Tier II-nik qayangnaqtunik nunanik algaktauyunik tahamanga nunamit. Iqqakuurviugaluti halummaqtiqtauniaqtut. Hunngiyaqhimayut nunat utqititaulutik itquhiatut maniqqap. Kingulliqaamik, munaqhitjutikhak atuqtaulirniaqtuq halummaqhiihiqqata.

PIN-2 ihivriutaukpiqahimayut 2004-mi halummaqtiqtauniaqhimaliqtuq 2009-mi Tuulainngugaluani Halummarhiniirmi iniqtauniaqhimaqluni 2012-mi. Kantraktaaqtuq nuutirniaqtut havarvikhamut auyami 2009, umiakut tangmaqvikhaliurlutik. Halummaqtiriniqahimayut 2012-mut qanurliqaak halummaqhiniqqat kantrakti hilalu qanuritpat. Ukiumi halummaqhiniqnahuriut June-mit October-mut. Ukiugakpat havaktut nutqarniaqtut igluqpait ukiukhamut havaktaulutik. Niriuriyauyut kantraktimut havaktukhat tikitpangniaqtut talvunga utirlutiglu qanilrunut nunalingnut. Iniqtaunia halummaqtiqtauyup nuutiqtaniillu kantraktip igluqpait tamayaillu niriuriyauyut October 2012-mi. Akuni hivituyumik munaqtauniaqtut iqqakuurviuyut halummaqtaugumik munaqtaulirlutik 25-ni ukiunik. 25 ukiut anirukkata munaqhihimaarniq ihivriuttauffarniaqtuq.

Imaa havangniaqtut talvani halummaqhini:

- Aturlugu hadja mivliuyut apqutillu talvani agyaqtuni, ingilgaryuni havagiaqtuqtunilu.
- Tangmarvikhaliuqlutik tamayaqarvikhaniglu.
- Annakuit tangmarvingmit hanaqiyauvakniaqtut, mihinikhamik, annakuurvingmi halummarnia makharluni maniqqamut. Annakuurniq halummarhiniglu maliguaniaqtut Nunamik aturunmut Imarmik Laisiktarunmullu.
- Tangmarvingmit iqqakuit ikualapkaktauniaqtut iqqaqtaulutik Qayangnaqtuittumut Iqqakuurvingmut.
- Piiyailutik halummaqhivingmik tangmarvingmik inirumik.
- Havaktukhat aghaluhiiqiyikhallu niriuriyauyut 40-60 havaktut, 20 –tit angiyut aghaluutit talimallu mikitqiat aghaluutainnait.
- Havangniaqhimayut hitamani tatqiqhiutini, ilaunngittut ukiukhamut umiktirilrumik, pingahuni tukiuni.

Kantrakmut titiqqat Halummarhiniirmut kantrakti piyariaaqtuq halummaqtirlugu utiqitillugulu nuna itquhiraluaminut Tuulainguvaktumi. Halummaqhiihiqqata, tamaita aghaluutit tamayallu, urhuyullu kihinnugukuit, tamayat tangmarviglu piiqtauyukhat talvunga kantraktimit. Havaktukhami uqaqhimayut ilanga akiliqtauyukhaq piyainirmut pihimayauyukhauyuq tuniyauhimannigiluni naammagiyaulgaqtinagu piyainiat

talvanga. Tamaat havaariyaayut maliguayarialgit Avatimik Hapumminirmut Parnaiqhimayumut, ilautihimayut kantrakmut.

Anguyaktuliqiyit Nunavut Tunngaviup Timingalu atiliuqhimayuk DND/NTI Angirutaanik Halummarhinirmut Utiqtirinirmullu Tuulainngugalanik Nunavut Nunatarviup Iluaniittunik naunaiyakhimaplugillu maniliurutikhat. Angirunmiilautihimayuq Ikinnikhanik Inuit havaktukhanik halummarhiuni kantrakmi ilihaiyariaqarnigmiglu, halummarhinirmut. Imaa-itpaktuq, kantrat halummarhinirmut Tuulainngugalanik ilautihimayut kantrakti amigaigahuaruaqtaait Inuit ilauniat. Inuit ilauniat halummarhiuni havangnikkut nanminiqagtunullu angmaumayutigut havaakhanut niuvirniglu nunalingnit.

Havaktukhat halummarhiuni angiyunik aghaluutinik aturiaqaqtut havaktikhaniglu, avatiliriyiniglu qauyimattiaqtuniglu havaariyauniaqtumik. Aallat angmaumayut havaakhat halummaqtiriyikhat tangmarvingmi niqiliuqtikhat aghaluutiliqiyikhallu. Halummaqiuni amigaikyuminiaqtut havaakhat nanminiqagtunullu inungnut qanilrunit nunalingnit, Kugluqtumi Ikaluktuttiamiluuniit. Kantrakhak halummaqtirutikhaa Pin-2 tuniyauhimannginmat huli, Ihariariyauniaqtut huli nunalingnit naunaiqtauhimaittut. Hadjakaffuk atuqtauniaqtumik tangmarvikhaliurniarunaqhiut talvani nayugakhaanik kantraktip aallallu havaktut.